



REGIONE AUTÒNOMA DE SARDIGNA
REGIONE AUTONOMA DELLA SARDEGNA



Comune di Telti



Prughjèttu
“LU GADDHURÉSU PA’ LI GADDHURÉSI”
finanziatu da la Legghji 482 di lu 1999,
alticculi 9 e 15 e Legghji Regionali 22 di lu
2018 - annualitài 2021



COMUNE DI TELTI

Via Kennedy n° 2 07020 Telti (SS)
Tel. 0789/43007- 43074 - Fax 0789/43580
www.comune.telti.ot.it

DILÌBBARA DI LU **CONSIGLIO CUMUNALI N. 57** DI LU **03-11-2021**

ugghjèttu: **CUNFERIMENTU DI LA CITTADINANZIA ONORARIA A LU MILITE
IGNOTU**

L'annu duemilavintunu, la d' tre di lu mesi di Santandria a li 6 e 10 di la séra, illa sedi di l'Enti, dapói d'aé datu avvisu di li inviti passunali fatta sigundu li modi e li telmini di legghji, in seduta Pubblica Oldinaria .

Fattu l'appellu risùltani:

PINDUCCIU DUMINICU VITTORIU	P	INZAINA GIAN MARIU	P
AZZENA PIERA	P	LACONI GIAN MARIU STEVANO	P
SCANU TIMOTEO	P	PINNA GHJASEPPA	A
PATTITONI GHJUANNA ELISABETTA	P	PIRINA GHJUANNI	P
ROZZO ALESSANDRO	P	MARIANO STEVANU MAURO	P
GUA GHJASEPPA	A	PILERI NICOLA	P
FANCELLU GHJASEPPA	P		

Assisti lu SIGRITTARIU CUMUNALI Dutt. FAIS FABIU presenti n. 11 e assenti n. 2 totali componenti n. 13.

Piddha la presidènzia PINDUCCIU DUMINICU VITTORIU come SINDACU - Presidenti chi, controlla la legalità di l'adunanza, dichjara abbalta la seduta e pòni in discussiòni la prupposta chi sighi, cussì comu indicatu in l'oldini di la ciurràta.

PRUPPOSTA DI DILÌBBARA DI LU CONSIGLIO CUMUNALI

UGGHJÈTTU: CUNFERIMÈNTU DI LA CITTADINANZIA ONORARIA A LU MILITE IGNOTU

Prupponenti: SIGRITTARIU CUMUNALI

POSTU A INNANZI CHI:

- la cittadinanza onoraria è un'onorificenzia data a una passòna, nata in una cità diffarènti, ancóra no residenti, ritinutu liàtu a la cità pa' lu só impegnu o pa' li só ópari;
- la passòna si dev'esse distinta in palticulari illu campu di la scienza, di li littari, di l'arte, di La `ndustria, di lu trabaddhu, di la scóla, di lu sport, cun iniziativi di caratteri sociali, assistenziali e filantropichi o in ópari, impresi, realizzazioni, prestazioni in faóri di l'abitanti di lu comuni, fendinni più alta la `mpultanzia attraversu la só personali viltù, o in azioni di altu `alóri a vantaghju di la nazione o di l'umanità intréa;
- li casgioni di lu ricunnoscimèntu póni esse lu nascì, li ricunnoscimènti sociali e culturali, o un attu straordinariu specificu, chi la cità li dà impultanzia;

DATU ATTU CHI lu Sigrittariu Generali di l'A.N.C.I. - l'Associazione Nazionali di li Comuni Italiani, innantu a la prupposta di lu Gruppù di li Medagli d'Oru a lu `alori Militari d'Italia, invitàa tutti li comuni d'Italia a adiri a l'iniziativa di cunzissioni di la cittadinanza onoraria a lu Milite Ignotu;

TINUTU CONTU CHI:

- la prupposta, in rascioni di lu centenariu di la traslazioni di lu Milite Ignotu (la dì 4 di lu mesi di Santandria di lu 2021), si póni come scòppu lu punì in pratica, in dugna lócu d'Italia, lu ricunniscimèntu di la "paternità" di lu Suldàtu chi pa' cent'anni no è statu ricunnòttu apposta e chi diventarà cussì Zittadinu d'Italia, intrèndi illu signafficcu simbólicu chi appaltèni a la nostra identità nazionali;
- la dì 4 di lu mesi di Santandria è, pa' l'Italiani, una ricorrenza zivvili di profunda rilevanza palchì vi sò li cirimuniàli di la Ciurràta di l'Unità Nazionali e di la Ciurràta di li Fòlzi Almàti;

PRESU ATTU CHI a la fini di la gherra, umbè di mòlti chi àni postu illi campusanti militari, stésini chena `nnommu; più di 100.000 sò diffatti li militi `no ricunnòtti' chi riposani illu sacrariu militari di Redipuglia. A gherra cumprita, dugna nazione à vulùtu onorà simbolicamenti la mimoria di li só caduti no ricunnòtti cun un monumentu fraicàtu in ammèntu di lu sacrificiu di chist'òmini "scomparsi" e chi fésini la Storia di l'Europa di lu XX seculu. In Italia, `stési lu Colonnellu Dohuet a suggerì, in lu mesi d'aùstu di lu 1920, la sippultura d'un milite chena `nnommu illu Pantheon, lu sittu dedicatu a la sippultura di li Reali d'Italia guasi a vulènni cumpruà lu pari `alóri e la pari nobilesa. La prupposta l'accittésini l'annu infattu, ma a lu postu di lu Pantheon pa' la sippultura trattésini l'Altari di la Patria;

CUNSIDERATU CHI lu Consiglio Cumunali, ripudiendi dugna totalitarismu e dugna gherra, possia cunsidarà lu Milite Ignotu simbulu di li vittimi di tutti li cunflitti almàti e richjamatu a lu dovvéri a no turrà a fà l'errori di lu tempu passatu, ammintèndi ancóra li `alóri di la nostra Costituziòni;

ATTESU CHI cun lu cunferimentu di la cittadinanza onoraria a lu Milite Ignotu, lu Cumuni di Telti vó rindì omagghju a cantu àni datu la `ita illi cunflitti almàti di lu Noicèntu, ghirrendi pa' la libbaltài, la democrazia e pa' lu `alóri di la fratellanza chi ogghji più che mai àni d'esse rinnuàti e prummòssi soprattutto tra li nòi `inìi e in chistu palticulari mumentu;

RITINUTU di aderì a l'iniziativa di cunferimentu di la cittadinanza onoraria di lu Cumuni di Telti a lu Milite Ignotu, reputendi di interpretà in chistu modu, li sentimenti e la `ulintài di la cittadinanza di Telti;

RICHJAMATA la Circolari M.I.A.C.E.L. n. 6 prot. n. 09602774/15100 di lu 02.05.1996 di lu Ministeru di l'Interno, Direzioni Centrali di l'amministraziòni Zivvili, Direzioni centrali di l'Autonomii, Silviziu Enti Locali, chi prevedi chi l'olganu competenti a pruvidé a la cunzissìoni di la cittadinanza onoraria, trattèndisi di attippigghjà li sentimenti di la collettività intréa di lu lócu, no possia che esse lu Consiglio Cumunali;

PRESU ATTU chi chistu cunferimentu, espressiòni di ricunnoscimentu e ringraziamentu di una collettività, s'agatta tra li competenzi di lu Consiglio Cumunali;

ACQUISITU lu paréri preventivu di regolarità tecnica in faóri resu a li sensi di l'alticculu 49 di lu Decretu Legislativu n. 267 di lu 18.8.2000 e modificaziòni e integrazziòni fatti dapói da lu Segretariu Cumunali;

VISTI:

- lu Statutu Cumunali;
- lu D.L. TU 267/00;

CUNSIDARATU TUTTU CHISTU

PRUPPÒNI

1. **Di** fà pròppiu cantu discriptu in premessa.
2. **Di** aderì a l'iniziativa di cunferimentu di la cittadinanza onoraria a lu Milite Ignotu prupposta da l'A.N.C.I. - l'Associazioni Nazionali di li Cumuni Italiani.
3. **Di** conferì la cittadinanza onoraria di lu cumuni di Telti a lu milite ignotu, chi, divintendi simbulu di paci e fratellanza universali, piddha un signafficcu di altissimu `alóri pa' tutta l'umanità.

VELBALI

Lu Presidenti di lu Consigliu, lu Geom. Dumìnicu Vittoriu Pinduccioni, legghji tutta la prupposta intréa e zédi la paràula a l'assissóri Timoteo Scanu chi faci un viaggju illi tempi passati spieghendi la storia e lu signafficcu di la figura di lu milite ignotu, e ammentà li 23 caduti di lu Cumuni di Telti tra la primma e la sigunda guerra mondiali. No essendivvi altu interventi, lu Presidenti di lu consiglio poni a li `òtti la prupposta.

LU CONSIGLIO CUMUNALI

VISTA la prupposta prisintàta;

INTÉSI li interventi prisintàti, chi s'agàttani in l'allegatu verbali, chi faci palti integranti di la prisenti dilibbarazioni;

Cun lu `ottu unanimi e in faóri di tutti li presenti

DILIBBARIGGHJA

In cunfolmitài a la prupposta prisintàta

Lettu, approvato e sottuscrittu a norma di legghji.

LU PRESIDENTI
PINDUCCIU DUMINICU VITTORIU

Lu Sigrittariu Cumunali
Dutt. FAIS FABIO

PROT. DI LU

Lu sottuscrittu Sigrittariu Cumunali, visti l'atti d'ufficiu

ATTISTIGGHJA

chi la prisenti dilibbara diventa esecutiva:

dapói di 10 dì di pubblicazioni innantu a lu sittu web istituzionali di chistu Comuni (*art.134 comma 3, D.Lgs. n°267/2000*);

Telti,

LU SEGRETARIU CUMUNALI
Dutt. FAIS FABIO

(documentu sottuscrittu cun filma digitali a li sensi di l'alticculu 21 di lu Decretu Legislativu 82 di lu 2005)